

խօսոյն ձգեալ յանձնէն զգգեստ¹⁾), ցուցանէ զամենայն վէրս անձինն: Ասէ թագաւորն. Զիա՞րդ ոչ եկիր յորժամ կոչեցի զքեզ. և նա ասէ. Յետոյ գիր մի ևս եկ թէ Մի՛ եկեսցես: Եւ այսպէս բանիւք ելեալ յարքայէ գնայր ի տեղի իւր: Զայս լուեալ վէզիրին առաւել մախայր, և այժմ՝ կոչեաց զափուտան անունով և եւ մոյծ առ թագաւորն՝ իբր ինքն անմեղ դուռով, և թագաւորն խօսի առ Հիւսէինն ստկաւ: Եւ ամենայն քաղաքս յանցս ճանապարհին կանգնեալ կային մինչ ի դրունս կայսեր և լային գնա թէ մի՛ սպանցի դուցէ, զի գիտէին այր անկեղծ և ստուգ²⁾ ըստ իւրեանց ղեկին և սուրբ, և զքաջութիւն նորա պատմէին: Եւ ևս ամենայն զօրք օճախին ոչ կամէին, այլ զվէզիրն աւարդէին: Եւ զիտէր չարհանճարն եւ յոյժ տանջեցաւ աւուրքս՝ թէ՛ որպէս սպանցէ գնա եւ զի՛նչ պատճառաւ. բայց մեծամեծքն օճախին ընդ նմա դուռով՝ արար որպէս և կամեցաւ: Կայաւ ի տուն արքայի օր մի եւ տեսանէ՝ թէ զի՛նչ լսիցէ, եւ ապա ի Բերդն եօթանց, եւ Կիրակի առաքէ զգրան պահպանապետ արքայի, որ արար խեղդամահ, եւ անդ ի բերդն թաղեցաւ: Եւ յայնժամ ել վէզիրն ի դօլ եւ եկն ի Ղաւտըրդայ իւմանն եւ անդ Ե արս կախել ետ ի ծառոցն եւ յայլ սահմանս քաղաքիս ընդ որ անցանէրն: Եւ ոչ գիտաց ոք՝ թէ զի՛նչ էին³⁾ սպանեալքն. ոմանք չինկէն ասացին եւ այլք՝ յապստամբացն էին բերեալք ի դրուց ի տեսիլ ռամկաց, յերկիւղ զինքն չկամեցողաց կամ բամբասողաց եւ զՀիւսէինն լացողաց: Եւ զորդին Հիւսէինի հհան ի քաղաքէս, որ էր պահպանապետ դրան արքայի եւ փառաւոր յաչս նորա, յարտաքս աքսորեաց եւ զՕմէր քէհեա նորին արդիւլէր եւ համար պահանջէր, եւ բազում ինչս առնոյր

1) զգեստ.

2) ստուգ.

3) էր.